

神輿本經會通

神農本草經會通卷之七

人部

人溺

溺白塗

人屎

亂髮

人乳汁

頭垢

人牙齒

婦人月水

月經衣

浣褲汁

天靈蓋

婦人襯襠

紫河車

胞衣水




神農本草經會通卷之七

人部

人溺○童男者尤良。

一云冷。○一云寒。

本經云。療寒熱。頭疼。溫氣。○唐本注云。主卒血攻心。被打內有瘀血。煎服之。又主癥積滿。服諸藥不差者。服之。皆下血片塊。二十日即出也。亦主久嗽。上氣失聲。○日華子云。小便涼。止勞渴嗽。潤心肺。療血悶熱狂。撲損瘀血。運絕。及困乏。揩酒皮膚治。



皸裂能潤澤人。蛇犬等咬。以熱尿淋患處。難產及胞衣不下。卽取一升。用薑葱各一分。煎三兩沸。乘熱飲。便下。吐血。鼻洪。和生薑一分絞汁。并壯健丈夫小便一升。乘熱頓飲。差。○陳藏器云。溺寒。主明目。益聲。潤肌膚。利大腸。推陳致新。去欬嗽。肺痿。鬼氣。瘞病。彌久。停息者。佳。恐冷。當以熱物和溫服。○楊氏產乳云。療傷胎。血結心腹痛。取童子小便。日服一升。差。○丹溪云。嘗見一老婦。年逾八十。貌似四十。詢之。有惡病。人教之。服人尿四十餘年。老健。



無他病。何謂性寒。不宜多服。與降火最速。人尿須  
童男者良。又產後。卽溫一杯飲。壓下敗血惡物。不  
致他病。又熱勞方中。亦用之。○集云。氣血虛無熱  
者不可用。○衍義云。久服令人反虛。氣血無熱。尤  
不可多服。此亦性寒。溫熱勞方中亦用也。○局云。  
人溺主除寒熱病。頭疼。溫氣是單方。打傷撲損。并  
胎產。須用童男者乃良。○童男溺。主打撲損傷。并  
新產。

溺白塗。○卽漩桶中。澄底垢積之白者。

一云涼。

本經云。療鼻衄。湯火灼瘡。○唐本注云。燒研末。主  
緊唇瘡。○日華子云。人中白。涼。治傳尸熱勞。肺痿。  
心膈熱。鼻洪。吐血。羸瘦。渴疾。是積塗入藥。○經驗  
方。治血汗。鼻衄不住。以人中白。不限多少。刮在新  
瓦上。用火逼乾。入射香少許。用酒下。○又秋石還  
元丹。大補暖。悅色。進食。益下元。久服去百疾。強骨  
髓。補精血。開心。益志。○局云。人中白。是溺中塗。瓦  
上。燒灰。抹緊唇。勞熱。傳尸。痿肺疾。血來唾衄。有奇。

功。○漩垢止唾衄理肺痿。

人尿

氣寒。

本經云。主療時行大熱狂走解諸毒。宜用絕乾者。擣末沸湯沃服之。○東向圍廁溺坑中。青泥療喉痺。消癰腫。若已有膿。卽潰。○陶隱居云。今近城寺別塞空鬣口。內糞倉中清汁甚黑而苦。名爲黃龍湯。療溫病垂死。皆差。○唐本注云。人尿主諸毒。卒惡熱黃悶欲死者。新者最効。須與水和服之。其乾





者燒之烟絕水漬飲汁名破棺湯主傷寒熱毒水  
漬飲彌善破丁腫開以新者封之一日根爛  
華子云糞清冷臘月截苦竹去青皮浸滲取汁治  
天行熱狂熱疾中毒并惡瘡葷毒取汁服浸皂莢  
甘蔗治天行熱疾○丹溪云人中黃性涼治溫病  
日華子有方○局云古方人屎卽人黃大熱癩狂  
絞汁嘗勞氣骨蒸燒末服解消諸毒末諸湯○人  
糞汁治熱病陽毒發狂。

亂髮○使也。此常人亂頭髮與髮髮療體相似○衍



義云髮髮味苦。卽陳舊經年歲者。

氣微温。○一云味苦。

本經云。主嗽嗽。五淋。大小便不通。小兒驚癇。止血。  
鼻衄。燒之吹內立已。○唐本注云。亂髮灰。療轉胞。  
小便不通。赤白痢。噎噎。鼻衄。癰腫。狐尿刺。尸疰。下  
腫。骨疽。雜瘡。古方用之也。○藥性論云。使味苦。能  
消瘀血。關格不通。利水道。○日華子云。髮温。止血。  
悶血。運金瘡。傷風血痢。入藥燒灰。勿令絕過。煎膏。  
長肉。消瘀血。○子母秘錄云。治小兒驚口。兩角生。

瘡燒亂髮和猪脂塗之。○又治小兒斑瘡癩豆瘡。  
髮灰飲汁服三錢匕。○丹溪云補血之功甚捷燒  
灰研末調方寸匕治鼻衄欲死者立効更以末吹  
鼻中甚驗。○千金方治無故遺血同瓜甲燒。○局  
云亂髮元來是血餘能消瘀血治癰疽轉胞便溺  
諸淋病鼻衄驚癇不可無。○亂髮調諸淋破瘀血  
人乳汁

味甘。氣平。無毒。○一云冷。

本經云。主補五臟。令人肥白悅澤。○陶隱居云。張

蒼常服人乳。故年百歲餘。肥白如瓠。○別錄云。首  
生男乳。療目赤痛。多淚。○日華子云。人乳冷。益氣  
治瘦悴。悅皮膚。潤毛髮。點眼。止淚。并療赤目。使之  
明潤也。○局云。乳汁甘平。除目赤。補安五臟。悅皮  
膚。張蒼常服。身肥白。享壽能過百歲餘。○乳汁有  
點眼之功。

頭垢○當用悅澤人者。其垢可丸。

氣溫。

本經云。主淋閉不通。○陶隱居云。主噎。亦療勞復。



○藥性論云。治噎酸漿水煎膏用之立愈。○日華子云。温。治中蠱毒。及蕈毒米飲或酒化下。並得以煎吐爲度。○肘後方。犬咬人重發瘡。以頭垢少許。內瘡中。以熱牛屎傅之。○又治蜈蚣咬。以頭垢膩和苦參水酒調傅之。○又治竹木刺。在肉中不出。以頭垢塗之。卽出。

人牙齒

氣平。

本經云。除勞。治瘡。蠱毒氣。入藥燒用。○葛稚川云。



治乳癰。取人牙齒燒灰細研。酥調貼癰上。○局云。牙齒性平。除蠱毒。更除瘡狀。并除勞。乳癰腫痛。酥調傅。入藥須知用火燒。○人齒牙專攻蠱毒。倒塌豆瘡。

### 婦人月水

本經云。解毒箭。并女勞復。○博物志云。交州夷人以焦銅爲鏃。毒藥於鏃鋒上。中人卽沸爛。須臾骨壞。以月水汁解之。

### 月經衣

梅師方云。治丈夫熱病差後。交接復發。忽卵縮入腸。腸中絞痛欲死。燒女人月經赤衣爲灰。熱水調方寸匕服。

### 浣禱汁

本經云。解毒箭。并女勞復亦善。

天靈蓋。○此死人頂骨十字解者。此骨是天生天賜。蓋壓一身之骨。陽人使陰。陰人使陽。

味鹹。氣平。無毒。

本經云。主傳尸。尸疰。鬼氣伏連。久瘴。勞瘡。寒熱無。

時者。此死人頂骨十字解者。燒令黑。細研。白飲和服。亦合諸藥爲散用之。方家。姦其名爾。○日華子云。治肺痿。乏力。羸瘦。骨蒸勞。及盜汗等。入藥酥炙用。○別說云。謹按天靈蓋。神農本經人部。惟髮髮一物外。餘皆出後世醫家。或禁術之流。竒恠之論。殊非仁人之用心。世稱孫思邈有大功於世。以殺命治命。尚有陰責。况於是也。近數見醫家用以治傳屍病。未有一効者。信本經不用。未爲害也。殘忍傷神。又不急於取効。苟有可易。仁者宜盡心焉。苟



不以是說爲然。決爲庸人之所惑亂。設云非此不可。是不得已。則宜以年深塵泥。所謂污者爲良。以其絕屍氣也。○局云。天靈蓋骨味鹹平。主治傳屍病。骨蒸。久療虛勞寒熱者。酥塗入藥。効方成。○天靈蓋。最主傳屍。久病虛勞。熱蒸在骨。

婦人視襠。○當陰處割取。燒末用。男子陰易病。用女人視襠。童女益佳。女人陽易用男。

本經云。主陰易病。當陰上割取。燒末。服方寸匕。童女視益佳。若女患陽易。卽須男子視也。陰易病者。



人患時行病起後。合陰陽便卽相著。甚於本病。其  
候小便赤澁。寒熱甚。宜服此。便通利。不爾灸陰二  
七壯。○局云。傷寒新瘥。因房室。易病。雖分陰與陽。  
小腹絞疼。攣手足。視襠燒末水調嘗。○視襠救陰  
陽之易。

紫河車。○卽胞衣。○首胎者固佳。若肥壯者亦美。不  
分男女。俱能補人。東流水淨洗。去血筋。或入藥料  
中。酒煮。或酒蒸搗爛如膏。入藥末。煉蜜爲丸。勝如  
新瓦上火炙者。反耗滲其精汁。獨存粗查。何益。○